

PATRIARCHATUS CONSTANTINOPOLITANI. 245

PERTE Notitiæ antiquæ. ¹ *Leontius* Episcopus Pergensis, pro Pertensis, Concilio Constantinopol. primo subscripsit.

ARANA libro Conciliorum. ² *Eugenii* Episcopi Aranæ meminit Concil. Chalced. sub Onesiphoro Metropolitano Iconii.

³ ISAURA Ptolem. lib. 5. cap. 4. aliis Isauropolis. *Æthius* Isauropolis in Lycæonia Antistes in Concilio Chalcedonensi legitur, & *Iluarius* in Constantinopolitano primo.

HYDMAUTUS. Hegemonius ejus Episcopus legitur in Concilio Chalcedonensi Act. 6. ubi Latini vulgati Gadarenorum habent; sed antiquissimus Interpres Latinus MS. Gadamauti vertit. *LUCAS HOLSTENIUS.*

⁴ MISTHIUM Ptol. lib. 5. cap. 4. *Armatio* Mithii Lycaoniæ Episcopus sub Iconio dicitur Act. 6. Concilii Chalced. & *Darius* Constantinopolitano primo subscripsit.

CORNA Ptol. ibid. *Inzus* Episcopus Cotnensis pro Cornensis, eidem Concilio Constantinopolitano primo interfuit.

PAPPA Ptolem. ibid. *Eugenius* Episcopus Paspanensis pro Pappanensis in eodem Concilio Constantinopolitano habetur.

PONTUS.

CAPPADOCIA PRIMA.

CÆSAREA, quæ prius Mazaca Ptol. lib. 5. cap. 2. vulgò *Tisaria* & *Caisar*. Metropolis Cappadociæ dicitur apud Sozom. lib. 3. cap. 15. ⁶ *Firmilianus* hujus Antistitis meminit Euseb. hist. Eccles. lib. 6. cap. 20. necnon *Eulalii* Socrat. lib. 2. cap. 33. Et *Alypius* Cæsareæ Metropolis Cappadociæ primæ Episcopus legitur in Concilio Chalcedonensi.

THERMÆ Antonino in Itiner. & Notitiæ antiquæ in Cappadocia prima. ⁷ *Theodorus* Thermarum Cappadociæ secundæ, pro primæ, Episcopus habetur in Concilio Constantinopolitano generali sexto.

NYSSA Antonino in Itinerario, & Notitiæ antiquæ. ⁸ *Gregorius* hujus Episcopus legitur apud Theodoretum lib. 4. hist. Eccles. cap. 28. & *Uvius* ejusdem sedis Antistes subscripsit Epistolæ Synod. hujus Provinciæ ad Leonem.

⁹ CAMULIANA Cedreno, Justinianopolis dicitur etiam Synodo quintæ generali, cui *Basilus* Justinianopolitanus Camulianorum Præsul subscripsit, qui in Collatione 8. ejusdem Synodi dicitur Justinianæ novæ Camulianensium Episcopus.

CISCISSA libro Conciliorum, Ciscifus Notitiæ antiquæ. *Plato* Ciscissæ primæ

H h 3

NOTÆ LUCE HOLSTENII.

¹ *Leontius &c.* Conon Episcopus civitatis Περτῶν sub Iconiensi legitur in Concil. Chalcedon. Act. 6. pag. 268. Hæc Hierocli edito Πτέρῃ, MS. Πτέρῃ, ubi MS. antiquus Pertorum vertit.

² *Eugenii meminit Conc. Chalced. &c.* Act. 6. pag. 268. Βαργῶν Episcopus vocatur, Hierocli MS. Βαργῶν, edito Βαργῶν, unde fortè legitur Βαργῶν pro Βαργῶν, & sic olim legit antiquissimus Interpres Lat. MS. ubi Eugenius Baratorum legitur.

³ *Isaura Ptol. lib. 5. c. 4.* Hierocli & aliis Isauropolis [*Æthius &c.*]

⁴ *Misthium Ptol. lib. 5. c. 4.* Hierocli Μισθῖα, & sic in Act. Græcis Conc. Chalced. Act. 6. p. 268. Armatus Μισθῖα disertim scribitur, & in MS. antiquissimo Latino Misthiæ legitur.

⁵ Quomodo Cappadocia ex una solida provincia in duas dissecta fuerit, vide Gregorium Presbyterum in vita S. Gregorii Nazianzeni.

⁶ *Firmiliani &c.* Hermogenis mentio extat apud S. Basilium Epist. 74. Baron. A. c. 372. num. 7. Basilus Magnus ejusdem Ecclesiæ lumen, & Eusebius, qui Basilio decessit. Archelaus, qui sub Sisinio Patriarcha Constantinopolitano sedit, commemoratur Photio Cod. 52. Hunc præcessit Helladius, qui adfuit Concilio Constantinop. sub Nestario, successor S. Basilii M. teste Socrate hist. Eccles. lib. 5. cap. 8. ad eum extat S. Gregorii Nazianzeni Epist. 53. & 54.

⁷ *Theodorus &c.* Elpidius Chalced. Act. 6.

⁸ *Gregorius &c. Hist. Eccl. cap. 28.* frater Basilii Magni scriptis clarissimus. Heraclidas, qui duas Epistolas contra Massilianos scripsit, commemoratur à Photio Cod. 52.

⁹ *Camuliana* Notitiis [*Cedreno*] Nova Justinianopolis &c. [*Cui Basilus Justinianopolitanus*] quondam [*Camulianorum &c.*]